

大方等陀罗尼经 护戒分

北凉沙门释法众译



南無本師釋迦牟尼佛

说明

本简体校正版《大方等陀罗尼经护戒分》电子书，根据《乾隆大藏经》大乘单译经，第 0417 部，北凉沙门释法众译《大方等陀罗尼经护戒分》原藏影印本校正，句读仅供参考。

本电子书是免费结缘品。特此说明。

仁慧草堂

二〇一八年十二月



扫码关注仁慧草堂微信公众号

●起诵仪

香赞

(一遍)

炉香乍爇. 法界蒙薰. 诸佛海会悉遥闻. 随处结祥云. 诚意方殷. 诸佛现全身.

南无香云盖菩萨摩诃萨 (合掌三称)

净口业真言

(三遍)

唵. 修唎修唎. 摩诃修唎. 修修唎. 萨婆诃.

净三业真言

(三遍)

唵. 娑嚩. 娑嚩秫驮. 娑嚩达摩娑嚩. 娑嚩秫度憾.

安土地真言

(三遍)

南無三满哆. 母驮喃. 唵度嚧度嚧. 地尾. 娑婆诃.

普供养真言

(三遍)

唵. 誝誝曩. 三婆嚩. 鞞日啰斛.

南无本师释迦牟尼佛 (合掌三称)

开经偈

(一遍)

无上甚深微妙法 百千万劫难遭遇
我今见闻得受持 愿解如来真实义

大方等陀罗尼经卷第四

北凉沙门释法众译¹

护戒分第四

尔时，文殊师利即从座起，偏袒右肩，右膝著地，白²佛言：“世尊！若有³比丘，世尊⁴去世之后，若毁四重；若比丘尼毁犯八重；若菩萨，若沙弥、沙弥尼、优婆塞、优婆夷，若毁如是一一诸戒，所犯重罪当云何灭？”

佛言：“善哉⁵！善哉！文殊师利，乃能请问如是等事，汝慈悲胜故，能发是问。汝不发是问，我终不说彼恶世比丘所犯之过。善哉！善哉！文殊师利，汝今谛听，当为汝说。

“我去世后，若有恶律仪比丘毁四重禁，默然而受檀越供养而不改悔，当知是比丘必受地狱苦而无疑也。我今当出良药，救彼比丘重病，我⁶去世后，毁四重禁，羞不发露。汝今谛听，当

¹*大正藏：北凉沙门法众于高昌郡译

²大正藏：而白；永乐北藏及龙藏：白

³大正藏：若；永乐北藏及龙藏：若有

⁴大正藏：于世尊；永乐北藏及龙藏：世尊

⁵大正藏：呜呼；永乐北藏及龙藏：善哉

⁶大正藏：若我；永乐北藏及龙藏：我

为汝说：

离婆离婆帝 仇呵仇呵帝 陀罗离帝 尼
呵罗帝 毗摩离帝 莎诃

“文殊师利，此陀罗尼，是过去七佛之所宣说，如是七七亦不可数，亦不可计，说此陀罗尼，救摄众生。现在十方不可计，不可数七佛，亦宣说此陀罗尼，救摄众生。未来不可计，不可数七佛，亦宣说此陀罗尼，救摄众生。汝今请问陀罗尼义，我已说竟。以此陀罗尼经，救摄未来世恶律仪比丘，令其坚固住清净地。

“善男子，若有比丘，毁四重禁，至心忆念此陀罗尼经，诵一千四百遍；诵一千四百遍已，乃一忏悔，请一比丘为作证人，自陈其罪向形像前。如是次第经八十七日，勤忏悔已，是诸戒根若不还生，终无是处；彼人能于八十七日勤忏悔已，若不坚固阿耨多罗三藐三菩提心，亦无是处。

“又，文殊师利，云何当知得清净戒？善男子，若其梦中，见有师长手摩其头，若父母、婆罗门、耆旧、有德如是等人，若与饮食、衣服、卧具、汤药，当知是人住清净戒。若见如是一一相者，应向师说如法除灭如是罪咎。

“复次，善男子，所谓比丘尼毁八重禁者，

若欲除灭八重禁罪，先请一比丘，了知内外律者，陈其罪咎向彼比丘，比丘⁷应如法而教此内外律，所谓：

阿隶离婆其罗帝^一 罗帝婆^二 摩罗帝^三 阿摩罗帝^四 莎诃^五

“善男子，此陀罗尼，若有读诵受持，如法修行九十七日。日诵四十九遍，乃一忏悔，随师修行，是诸恶业若不除灭，终无是处。

“善男子，汝若不信，吾今为汝略说。我昔愚行业因缘故，十方虚空法界及大地土、山河、丛林，尽末为筹，大如微尘，尚可知数；除诸佛等，无人能知我所犯戒。十方无边，我所犯戒亦复无边；微尘无数，我所犯戒亦复无数；众生无边，我所犯戒亦复无边；方便无边，我所犯戒亦复无边；法性无边，我所犯戒亦复无边。

“善男子，我观如是等业甚为可畏，上至菩萨，下至声闻，不能救我如是等苦，我即思惟如是事已，便推求此陀罗尼典，得已修行九十七日，日读诵⁸四十九遍，闻空有声而谓我言：“善哉！善哉！善男子，乃能推求此陀罗尼典。”我时闻

⁷ 大正藏：彼比丘；永乐北藏及龙藏：比丘

⁸ 大正藏：日读诵；永乐北藏及龙藏：读诵；校勘：日读诵

已，顾视四方，见有诸佛罗列在前，一一诸佛手摩我头，听我悔过。

“善男子，以是因缘，我去世后，若有比丘尼犯八重禁，应当求此陀罗尼典，读诵修行。若于梦中见如上事，知⁹彼比丘尼住清净地，具清净戒。

“复次，善男子，若有菩萨受八重禁，然后毁坏，狂乱心热，欲自陈说，无所归趣，无能灭者。如是罪咎，僧以¹⁰和合，令出境界，应大怖惧。此人应住一空静室，涂治内外，极令鲜净¹¹，请一比丘了知内外一部律者，应自陈过，向此比丘，作如是言：“僧今摈我来至此间，我今请师亦来此间。”此师应教净律之法，所谓：

婆罗隶 仇那罗隶 阿那¹²罗隶 其那罗
隶 伽那隶 阿隶那隶 阿帝那隶 阿帝那
隶 莎诃

“善男子，如是陀罗尼者，即是三世诸佛之所护持，亦是三世诸佛之所秘藏。善男子，吾昔未说，今已说之；昔所未作，今日已作；昔所未

⁹ 大正藏：当知；永乐北藏及龙藏：知

¹⁰ 大正藏：已；永乐北藏及龙藏：以

¹¹ 大正藏：涂治极令内外鲜净；永乐北藏及龙藏：涂治内外，极令鲜净

¹² 大正藏：难

闻¹³，今日已闻¹⁴。闻¹⁵此三因方便已，令诸众生遇此三因方便者，速出三界。如盲者见日，如婴儿得母，如鸟出壳，如饥人得食，如缚者得脱，如寒者得火，如裸者得衣，如迷者¹⁶得路，如渴者得水。

“善男子，我此法味亦复如是，若久住世间，若一劫，若减一劫，为诸众生受持、读诵、解说其义，为愚者说，当知是人与我无异，住清净地。是人应于我生难遭之想¹⁷，自陈罪咎，若罪不灭，终无是处。”

文殊师利白佛言：“世尊！此陀罗尼者，应读¹⁸几遍？修行几日乃当止耶？”

佛言：“善男子，此陀罗尼应诵六百遍，乃一忏悔。当忏悔时，应请一比丘，在其前立，口自陈罪，必令得闻。如是次第经六十七日，占其梦想如上所说更无有异。若得是相，知是菩萨住清净地，具清净戒。

“复次，善男子，若有沙弥、沙弥尼、优婆塞、优婆夷毁诸禁者，亦应请一比丘了知内外律

¹³ 大正藏：开

¹⁴ 大正藏：开

¹⁵ 大正藏：开

¹⁶ 大正藏：人

¹⁷ 大正藏：是人应于心中生遭我想；永乐北藏及龙藏：是人应于我生难遭之想

¹⁸ 大正藏：诵

者，向形像前，若尊经般若前，自陈其过向此比丘，此比丘应教净律之法，所谓：

伊伽罗帝 慕伽罗帝 阿帝摩罗帝 郁伽罗帝 婆罗帝婆 座罗竭¹⁹帝 座罗竭帝 豆罗奢竭帝 毗奢竭帝 离婆竭帝 婆罗隶阿隶 其罗隶阿隶 持罗隶阿隶 其兰隶阿隶 提兰隶阿隶 毗罗阿隶 莎诃

“善男子，如是陀罗尼者，我为慈愍一切众生故，说此陀罗尼。若有下劣沙弥、沙弥尼、优婆塞、优婆夷，亦应读诵修行此陀罗尼，诵四百遍乃一忏悔，如是次第四十七日。当忏悔时，应自陈过令彼了闻。如是次第四十七日已，如上所说梦中所²⁰见一一事者，当知是沙弥、沙弥尼、优婆塞、优婆夷，住清净地，具清净戒。”

尔时，文殊师利及五百弟子²¹心少有²²疑，佛知其意，即时告言：“如汝所念，行者应修五事，持诸戒性，所谓：不犯陀罗尼义；不谤方等经；不见他过；不赞大乘，不毁小乘；不离善友，常说众生妙行。如是五事，是行者业，不犯戒性。

“复次，善男子，不说上界所见；亦不说已

¹⁹ 大正藏：竭（后同）

²⁰ 大正藏：得

²¹ 大正藏：大弟子；永乐北藏及龙藏：弟子

²² 大正藏：有少；永乐北藏及龙藏：少有

所行好丑之事；亦应日日三时涂地；亦应日诵一遍日一忏悔。如是五事，是行者业，不犯戒性。

“复次，善男子，复有五事：若有比丘行此法者及与白衣，不得祭祀鬼神；亦复不得轻于鬼神；亦复不得破鬼神庙；假使有人祭祀鬼神，亦不得轻；亦不得与彼人往来。如是五事是行者业护戒境界。

“复次，善男子，复有五事：不得与谤方等经家往来；不得与破戒比丘往来；破五戒优婆塞亦不得往来；不得与猎师家往来；不得与常说比丘过人往来。如是五事，是行者业，护戒境界。

“复次，善男子，复有五事：不得与脑皮家往来；不得与蓝染家往来；不得与养蚕家往来；不得与压油家往来；不得与掘鼠²³藏家往来。如是五事，是行者业，护戒境界。

“复次，善男子，复有五事：不得与劫人²⁴家往来；不得与偷盗家往来；不得与烧僧坊人家²⁵往来；不得与偷僧祇物人往来；不得与乃至偷一比丘物人往来。如是五事，是行者业，护戒境界。

“复次，善男子，复有五事：不得与畜猪羊

²³ 大正藏：伏；永乐北藏及龙藏：鼠

²⁴ 大正藏：贼

²⁵ 大正藏：人

鸡狗家往来，不得与观星²⁶历家往来，不得与淫女家往来，不得与寡妇家往来，不得与沽酒家往来。如是五事，是行者业，护戒境界。

“善男子，如是七科五事，行者应深了观根源²⁷，然后舍离，其余诸事亦复如是。

“复次，善男子，行有二种：一者，出世人行；二者，在世人行。出世人²⁸行者，不禁如上诸事；在世人²⁹行者，吾以禁之。何以故？譬如婴儿，始能行时，其母护持，不听远行，假使远者，或绝乳而死，或堕水火故死，或为虎狼师子之所食噉，或为蝮螫³⁰、鷄鴞³¹所伤。如是婴儿，母常将护，不令暴害³²，然后长大，若有所作，必能成办。

“善男子，我亦如是为一切母，一切众生即是我子，常为护助，令不遭横，速出三界，能有所办。若不如是制诸弟子，云何当得阿耨多罗三藐三菩提耶？如彼女人，不制其儿，云何长大能有所办？

²⁶ 大正藏：星；永乐北藏及龙藏：观星

²⁷ 大正藏：原

²⁸ 大正藏：出世；永乐北藏及龙藏：出世人

²⁹ 大正藏：在世；永乐北藏及龙藏：在世人

³⁰ 大正藏：鷄鴞；永乐北藏及龙藏：蝮螫

³¹ 大正藏：泉

³² 大正藏：母常护持，令不暴害；永乐北藏及龙藏：母常将护，不令暴害

“复次，善男子，我诸弟子，若见如上诸恶律仪不善人辈，占相吉凶，治生贩卖，一不如法诸恶之事，舍我法已，而更贪著恶律仪法，然后命终受无量苦。我时见已，心生慈愍，为诸众生设是方便，令诸众生乘是方便，出三界苦，得究竟乐，吾今所以设诸方便，救摄众生，令得究竟寂灭涅槃。

尔时，文殊师利及五百大弟子、无量大众，欢喜奉行。

大方等陀罗尼经护戒分

● 结诵仪

补阙真言

(三遍)

南无喝啰怛那. 哆罗夜耶. 佉啰佉啰. 俱住俱住.
摩啰摩啰. 虎啰. 吽. 贺贺. 苏怛拿. 吽. 泼抹拿. 娑
婆诃.

补阙圆满真言

(三遍)

唵. 呼嚧呼嚧. 社曳穆契. 莎诃.

普回向真言

(三遍)

唵. 娑麼啰. 娑麼啰. 弭麼曩. 萨嚩诃. 摩诃斫迦啰
嚩吽.

南無佛 南無法 南無僧 (合掌三称)

南無本师释迦牟尼佛 (合掌三称)

南無观世音菩萨摩诃萨 (合掌三称)

南無护法诸天菩萨 (合掌三称)

礼佛发愿文

(一遍)

归命十方调御师 演扬清净微妙法

三乘四果解脱僧 愿赐慈悲哀摄受

但(某甲)自违真性，枉入迷流。随生死以飘沉，逐色声而贪染。十缠十使，积成有漏之因；六根六尘，妄作无边之罪。迷沦苦海，深溺邪途。著我耽人，举枉措直。累生业障，一切愆尤。仰三宝以慈悲，沥一心而忏悔。

所愿能仁拯拔，善友提携。出烦恼之深源，到菩提之彼岸。此世福基命位，各愿昌隆；来生智种灵苗，同希增秀。生逢中国，长遇明师。正信出家，童真入道。六根通利，三业纯和。不染世缘，常修梵行。执持禁戒，尘业不侵。严护威仪，蝇飞无损。不逢八难，不缺四缘。般若智以现前，菩提心而不退。修习正法，了悟大乘。开六度之行门，越三祇之劫海。建法幢于处处，破疑网于重重。降伏众魔，绍隆三宝。承事十方诸佛，无有疲劳。修学一切法门，悉皆通达。广作福慧，普利尘沙。得六种之神通，圆一生之佛果。然后不舍法界，遍入尘劳。等观音之慈心，行普

贤之愿海。他方此界，逐类随形。应现色身，演扬妙法。泥犁苦趣，饿鬼道中，或放大光明，或现诸神变，其有见我相，乃至闻我名，皆发菩提心，永出轮回苦。火镬冰河之地，变作香林；饮铜食铁之徒，化生净土。披毛戴角，负债含怨，尽罢辛酸，咸沾利乐。疾疫世而现为药草，救疗沉痾；饥馑时而化作稻粱，济诸贫馁。但有利益，无不兴崇。次期累世冤亲，现存眷属，出四生之汨没，舍万劫之爱缠。等与含生，齐成佛道。虚空有尽，我愿无穷。情与无情，同圆种智。

回向偈

(一遍)

诵经功德殊胜行 无边胜福皆回向
普愿沉溺诸有情 速往无量光佛刹
十方三世一切佛 一切菩萨摩訶萨
摩訶般若波罗蜜

回向偈

(一遍)

愿以此功德 庄严佛净土
上报四重恩 下济三途苦
若有见闻者 悉发菩提心
尽此一报身 同生极乐国

三皈依

(一遍)

自皈依佛，当愿众生，体解大道，发无上心；自皈依法，当愿众生，深入经藏，智慧如海；自皈依僧，当愿众生，统理大众，一切无碍。和南圣众。



此咒置经书中可灭误跨之罪

南无护法韦驮尊天菩萨

